

OFFERYNNAU STATUDOL CYMRU

**1999 No. 2888**

**Rheoliadau Addysg (Gwerthuso  
Athrawon Ysgol) (Cymru) 1999**

**Nodau gwerthuso**

- 4.—(1) Bydd y cyrff gwerthuso'n sicrhau bod gwerthuso yn helpu —
- athrawon ysgol yn eu datblygiad proffesiynol a'u cynlluniau gyrfa; a
  - y rhai sy'n gyfrifol am gymryd penderfyniadau ynghylch rheolaeth athrawon ysgol.
- (2) Wrth gyflawni eu dyletswydd o dan Reoliad 3, bydd y cyrff gwerthuso'n anelu at wella ansawdd addysg ar gyfer disgyblion, drwy helpu athrawon ysgol i wireddu eu potensial ac i gyflawni eu dyletswyddau'n fwy effeithiol.
- (3) Yn benodol, bydd gweithdrefnau gwerthuso'n anelu at —
- cydnabod cyrraediadau athrawon ysgol a'u helpu i nodi ffyrdd o wella'u medrau a'u perfformiad;
  - helpu athrawon ysgol, cyrff llywodraethu ac awdurdodau addysg lleol (fel y bo'r achos) i benderfynu a fyddai newid yn eu dyletswyddau yn helpu datblygiad proffesiynol athrawon ysgol ac yn gwella'u rhagolygon gyrfa;
  - nodi potensial athrawon ar gyfer datblygiad gyrfa, gan anelu at eu helpu, lle bo'n bosibl, drwy hyfforddiant mewn swydd priodol;
  - helpu athrawon ysgol sy'n cael anawsterau gyda'u perfformiad, drwy ganllawiau, cwnsela a hyfforddi priodol;
  - darparu gwybodaeth ar gyfer y rhai sy'n gyfrifol am gynnig tystlythyrau ar gyfer athrawon ysgol mewn perthynas â phenodiadau;
  - gwella rheolaeth ysgolion.
- (4) Ni fydd gweithdrefnau gwerthuso'n ffurfio rhan o unrhyw weithdrefnau disgyblu neu ddiswyddo, ond fe all datganiadau gwerthuso gael eu defnyddio at y dibenion a bennir yn Rheoliad 14.